

Base 6º da convocatoria:

Terceiro exercicio: EXAME PRÁCTICO (carácter obrigatorio e eliminatorio): 30 puntos máximo, mínimo 15 puntos para superalo.

Consistirá na resolución dun ou varios supostos prácticos (máximo 5) propostos polo Tribunal con carácter previo á realización do exame, relacionados co temario xeral e/ou específico anexo ás presentes bases e/ou coas funcións propias da praza convocada, durante un tempo máximo de tres horas.

O exercicio será cualificado de 0 a 30 puntos, sendo necesario acadar unha puntuación de 15 puntos para o superar, dado o seu carácter eliminatorio.

Toda vez rematado o tempo de exame, o Tribunal poderá determinar a lectura do exercicio se así o estima conveniente, quedando capacitado para realizar canta pregunta/aclaración consideren en relación á exposición escrita dos/as aspirantes. A lectura do exercicio en ningún caso poderá ser superior a 30 minutos para cada un/ha dos/as aspirantes.

No suposto de que algún/ha aspirante non proceda á lectura, no suposto de que o Tribunal determine a mesma, a cualificación do exercicio será directamente non apto, sen mais avaliación, salvo casos de forza maior debidamente acreditados e apreciados discrecionalmente polo Tribunal..

Para a resolución deste exercicio e sempre que o Tribunal o considere procedente, os/as aspirantes poderán consultar os textos técnicos, legais e xurisprudenciais non comentados dos que acudan provistos sempre en formato papel. Os membros do Tribunal quedan competencialmente capacitados para revisar o apoio documental dos/as aspirantes, quedando excluído calquera aspirante que utilice textos comentados, casos prácticos ou similares.

Neste exercicio, valorarase a capacidade de análise e a aplicación razoada dos coñecementos teóricos á resolución dos problemas prácticos plantexados. Dende estes criterios xerais, a cualificación centrarase nos seguintes criterios de avaliación: A

corrección do contido e capacidade analítica, resolutiva e pragmática na proposta/s de intervención concreta efectuada/s (max. 15 puntos), a formulación de conclusións (max. 5 puntos), coñecemento e axeitada referencia e aplicación da lexislación e/ou normativa vixente (max. 5 puntos) e a capacidade expositiva e de síntese (max. 5 puntos) .

A cualificación final do exercicio efectuarase do seguinte xeito: cada membro do Tribunal puntuará cada un dos criterios expostos, outorgando unha cualificación individualizada ao suposto de cada aspirante. Desbotaranse as cualificacións individualizadas do suposto maior e menor, cando entre estas a diferenza sexa igual ou superior en 5 puntos. Posteriormente calcularase a media entre os membros do Tribunal actúantes cuxa cualificación individualizada se manteña.

No caso de plantexar como exercicio máis dun suposto (ate un máximo de 5) procederáse a avaliación segundo o anteriormente exposto e calcularase a media entre o número de supostos plantexados para acadar a cualificación final do exercicio.

Salvagardando sempre as puntuacións máximas dos criterios establecidos, no caso de plantexar varios supostos prácticos polo Tribunal e se se valoran con distinta puntuación cada un deles, deberá indicarse no exercicio entregado ao/á opositor/a a puntuación de cada un deles e a puntuación máxima dos criterios de cualificación determinados, de ser o caso.

O Tribunal acordou a realización de dous supostos prácticos, que se puntuarán con até **15 puntos cada un deles**, distribuindo proporcionalmente entre ambos supostos os criterios de corrección previstos na base 6º transcrita.

O tempo máximo para a realización de ambos supostos é de **tres horas**.

SUPOSTO PRÁCTICO Nº 1

A Lei 2/2013, do 29 de maio, de protección e uso sostible do litoral e de modificación da Lei 22/1988, do 28 de xullo, de Costas.

Con data 17 de febreiro de 2022, conforme ao disposto no artigo 12 da Lei 22/1988 do 28 de xullo, de Costas, a Demarcación de Costas ditou providencia de incoación do expediente de deslinde dos bens de dominio público marítimo-terrestre na zona denominada “Punta Langosteira” (entre os vértices 35 a 187 Punta Langosteira-Cabo Cociñadoiro e 1 a 109 Cabo Cociñadoiro-Punta do Compas), do termo municipal de Arteixo.

No ámbito sinalado existen 3 edificacións con uso residencial (A, B e C), situadas a unha distancia superior a 20m e inferior a 100m da liña interior da ribeira do mar.

As Normas Subsidiarias de plan municipal de 1995 clasifican o ámbito como Sistema de Protección de Costas (SC).

Na documentación obrante nos arquivos municipais constan os seguintes datos:

Edificación A: Ano de construción 2003. Non conta con autorización do órgano competente en materia de Costas nin licenza municipal.

Edificación B: Ano de construción 1980. Non conta con autorización do órgano competente en materia de Costas nin licenza municipal.

Edificación C: Ano de construción 1989. Conta con autorización do órgano competente en materia de Costas e licenza municipal.

Pídeselle a emisión dun informe sucinto sobre as seguintes cuestións:

- a) Tipo de obras que se poden realizar sobre estas edificacións e documentación necesaria que se debe presentar.
- b) Efectos da tramitación do expediente de deslinde en curso

SUPOSTO PRÁCTICO Nº 2

Dado o plano que se achega, correspondente ao núcleo urbano de poboación de Arteixo, deberase delimitar un ámbito de actuación e realizar una proposta de ordenación mediante o desenvolvemento dunha ou varias figuras de planeamento que se consideren axeitadas, valorándose:

- a) Conveniencia da delimitación (tipo de suelo e ámbito elixido e o por qué desa elección)
- b) Non cometer erros na figura de desenvolvemento elixida (p. ex, abrir viais cun ED).

Asemade, o aspirante deberá expresar:

1. Información sobre a tramitación da ou das figuras de planeamento elixida.
2. Información sobre a figura de xestión que desenvolva o planeamento elixido.
3. O grafismo elixido.
4. Calquera outro elemento que amose o coñecemento do opositor, tanto da propia normativa coma das regras de boa composición urbanística.